


咸豐青州府志(一)



(清) 毛永柏 修
(清) 李圖 纂
劉燿椿

本書六十四卷，據清咸豐九年（一八五九）刻本影印。

重修青州府志序

今將衡古今之形勢縱宇宙之大觀上下數千百年
戶口蕃昌輿圖表廣惟我

朝稱極盛焉余自京秩

擢外任北遊燕薊西臨川蜀南涉江淮茲復東撫齊魯歷
山泗水之間流風其猶未艾耶蒞任匝月驅車歷青
萊諸郡訪政事之得失察風俗之淳漓舉凡城池學
校田賦兵農藝文人物數大端有可彷彿其一二而
未能知其古且遠者青州太守毛君以重修郡志問
序於余余考青州古爽鳩氏之虛禹貢海岱惟青州

序

夏制也殷以青爲營周更殷制曰幽而以正東屬青
州自秦置琅邪齊郡漢分齊郡置千乘北海魏晉改
爲樂安平昌唐建青州密乘及濰屬焉宋易青州爲
鎮海軍元立益都路明興改益都爲青州郡領州一
縣十三

國初因之前鎮沂嶺後環清泊左連礪隄右界長山屹
然一大都會也昔太守陶君繼湯鍾二君修郡志所
領州縣與舊制同後置邑博山分蒙陰四邑悉隸沂
州時異地殊以視前志間有舛錯非晰其源流輯修
而釐正之何以信今而行遠太守李君知其然聘鄉

先生劉廉訪襄事未幾太守遷秩去廉訪勞動不
辭事將竣而卒邇吳下毛君來守是郡願終其業越
一稔而告成綱舉目張罔有遺漏其間制度文章民
情風土以及循吏儒林忠臣義士孝友貞廉之類志
既詳且盡夫亦何待余言雖然志非修陳其事也欲
人之志其所志耳不思夫志之所由成是有志與無
志等官斯土者法前人之典要作今日之措施庶幾
吏治奮興人心敦樸用昭

國家長治久安之策勉副

聖主型仁講讓之懷余實有厚望焉爰作弁言以冠其首

序

云

咸豐九年歲在己未嘉平月穀旦

詔授光祿大夫山東巡撫提督軍門兼理鹽政加三級長

曰文煜撰

重修青州府志序

歲丙申余初守青州覽郡志凡屬邑十四蓋日照莒州沂水蒙陰猶隸版圖而博山名顏神鎮未置縣康熙中作也考其制度典禮往往循明舊制與

大清會典異迄今百餘年

世宗并地丁增祀典

高宗停編審訂樂章

仁宗陟文昌之祀

今上加關帝之號皆缺而未修也於時慨然思更修之創議未就以滯人馬剛之亂遽里吏議去然取取之懷數載

序

未已庚子秋余由萊州丞復權知是邦而前守方君以方修郡乘告余喜曰固吾志也幸君肇其端敢不繼勉之適門人李少伯廣文至郡以纂修屬之余旋以家難去次年春新守樂亭李君至受代之頃乃謂李君余再作郡於是而志乘弗就豈非於此事緣淺哉李君笑曰夫在官言官君子之仕素位而已君不以五日京兆而怠政使前者有所繼而後來有所承奚必成功之自我乎余聽其言而別越二年癸卯冬李君郵成稿以示余且曰君與方君均宜序余觀其書義例完備而取去精嚴視舊志有過者是舉也方君始之李君成之而余以再至之官廁其中得免瘵

官之請不亦厚幸矣乎爰述里略以復太守云河南巡撫英桂謹序

序

二

重修青州府志序

作史三長曰才學識然必有道德爲之根而後可以信今而行遠郡邑志衆亦史類也余不文某年來守是郡是時前攝守英君前守方君有重修府志之役甚盛舉也教授王北海博興學博李少伯與徐鳳卿陳鶴田賁先後可其事積三年矣而方君英君皆擢任去北海少伯皆遷秩去徐陳二君亦歸去適安邸前四川廉訪劉莊年先生來主講席遂請卒業因其舊規更爲搜羅改正增多如千卷事將竣余亦以道員守巡北上專屬廉訪爲要其成愧鮮道德作史三長無一焉然以前守兩君博雅之儒而纂修亦

序

三

皆名士余得挂名簡末有厚幸焉爲序其源委如此道光二十六年十月候選道青州府知府西蜀李廷揚謹序

重修青州府志序

志衆亦史類而難於史史一代事耳以天下之大必有淹博之儒留心掌故爲一家言朝廷之力可檄致也志衆則或千里或百里地不必皆文明人不必嫻著作且歷一代或數代百年數百年爲時既遠文獻久湮尅期集事非外則漏會稽章實齊謂州縣六科之外宜設志科置吏守之者此也青州之名始自唐虞中間或隸他國他郡他路而今之青州大率猶古疆域郡志重修於康熙三十一年其時未置博山而日照莒州沂水蒙陰嶺嶺此郡將二百年前大守方仲鴻先生雅意重修英香岩中丞繼之未卒事

序

四

升任去纂修教授王君廷慶李君同未幾亦去而太守李樂亭先生又以屬某余以罪戾之身尚何敢更言文字重違其意勉強從事因者十七革者十三始事道光二十五年繼事二十八年而樂亭先生又守選觀察以去某老且病客授濟南咸豐三年奉

旨會辦濟南圖練輟業至七年歸里始卒事竭力小任重自愧不文然以郡人而修郡志故不敢辭去取之際出以謹慎舛漏在所不免後之人諒諸其例取之范石湖吳郡康對山武功于文定東阿陸清獻靈壽張雲淵大名爲類二十有九共六十四卷曰輿圖曰沿革曰道里曰封建曰

職官曰武職官曰滿洲駐防職官曰歷代王侯官屬曰選舉曰襲蔭曰山川曰形勝曰古蹟曰營建曰學校曰兵防曰郵政曰賦役曰風土曰藝文曰名宦曰人物曰術藝曰仙釋曰僑寓曰雜傳曰列女曰祥異曰雜記
賜進士出身六品頂戴前任四川按察使翰林院庶吉士
郡人劉耀椿謹序

序

五

青州府志舊序

郡故有志十八卷蓋馮海洋先生同二三君子所纂錄而杜郡守思以錢比部有成成之上下數千年亦極條次有則第士成以來歲將周甲而人事之紀闕如也鍾黃門龍源卽舊例輯其大凡不獨五十餘年間賴若列眉而倦倦品騰以衷於口不必然而心然者斯亦黃門之蔚斑矣志成而不佞方東不遑授簡今且折肱於里然無敢略方書不按也迺稍刪披其大略而言曰郡齊履也卽舊履不盡隸宇下而間附以它屬美哉山河亦海岱間一都會也周之盛非大師以表東海王室之不壞繫伯舅是賴泊小白

序

六

以夷吾霸於鄆而南過楚北伐山戎中包諸宗侯以外撫吳越蓋六乘三兵王室復莫當是時供億非乏而節制之師威天下有餘力焉其在於今門山猶故也穀擊肩摩連帷揮汗之氓非寡也其它聘問會盟車馬玉帛豚豕不翅省矣而土之毛不足以糊口家之藏錫不足以奉耕耜故樂歲苦於上給而一不歲反待給於上往一妖女子至仰勤王旅頃以饑驅之民遂揭竿於市夫今人讀法家十八篇猶若喉竅而通貨積財能以國窟顧或通焉何也間嘗按牘而閱郡領州邑十有四耳戶可三十萬口可百五十餘萬而地瀕海饒斥鹵水居什一山居什三其田可十三

萬六千有奇而歲辦不下七十萬其用於土則居有千畝之役行有傳舍之役其用於上則內以六宮外以百官六軍有供億之役有輪輶之役蓋屬城不雄於它郡而賦特倍之且生齒日繁舟楫不通公私取給於山坂墜澗之田而墾益盡蕪歲或仍焉兼以俗好任俠居平鳴瑟貼屨六博蹋鞠時使鮮衣怒馬之貴慨不快意以經籍交報仇藏命作奸剽攻禦寇故歲饑輒盜盜起輒兵瘡痍連累十室而九大約大棄挾中猾以用饑饉之民每十數年一變而一變之後輒十數年不易復夫瘡痍未復舊盜叢仍守土者甯得咎吾民乎蓋嘗論之昔之齊地能崙用其主故上

序

七

亦能崙用其民其錢穀兵甲從意調興而意所欲爲得一切便宜破法從事無論鑄山煮海猶在握也即富彥國治河朔五十萬亦富行其德耳今長吏束手受空民甯惟無以予之抑且有以索之皮骨既銷徵求未已念催科以拙罰有不問撫字以勞賞矣及燕不三黜則物力秋毫有主名而帑庾固無佐食之需聚之比屋罄懸旁邑踵困有款衆秋於空卷耳往不佞嘗矯以清源之推振畿輔而主人不受也即不佞幾中於法嗟乎兵快饑索之民民欲饑索之上其遣官發帑誰非詬祖之所不遺餘力而課者其以惠既亂也漢詔以小民安田里而無愁歎責在良二千石

而口與我共此嗚呼小臣猶良也敢謂約結黨廟堂有與共之思乎其輕徭薄賦惠我瘠民徐以舉賢尙功而四維之也甯得侈霸業焉黃門取義遠乃不佞爲嘆論無亦折肱按方書者遂次其語於簡明青州府知府范陽王家賓撰

序

八

青州府志舊序

郡伯王公敷政三載化浹民和百廢俱舉乃以郡志自甲戌修錄今五十餘年缺焉未之續也典章故實久且湮沒與同寅高周范黃諸公共議續補以諸茂才纂修之而使正閱其草王公擢任新牧劉公成之正乃序曰郡之有志猶國有史也國則曰書曰春秋曰傳曰記曰錄曰載曰略曰記曰志曰乘曰檣杌而郡則獨曰志志者識也心也一人之心千萬人之心也千萬世之人之心也志於一人而不通於千萬人千萬世之人則奚以識焉乃人心亦何可同也意見異致傳聞異辭愛憎取舍異向子產曰人心不

序

九

同如其面焉欲以一人而肖合衆貌其將能乎有心於合率不合也合之者必以無心無心者無同異無古今廓然盎然立於至虛而我與故者吾因之新者吾續之州邑所籍諸士所紀吾錄之錄而未盡而吾億一人焉億一事焉則錄之錄之而議論不一傳聞未確則姑備之夫吾所紀載非邦之先君先公則鄉先進先民也其大者負鴻名樹駿烈垂三不朽昭丹青汗簡之光次亦深心苦行卓然可以淑世維風則大書特書矣至於瑕瑜不掩功過相衡冒不韙之名抱不白之衷抑鬱溼漚而不彰而吾從千百年後爲辨頤而闡揚之當其探情覈實究若與其人揖遜

雍容反覆下上其議論而其人罄歎周旋丰神指顧悲歌一時之音形如在耳目之前蓋自名公鉅卿文儒健將至於孤臣逋客粹叟寒嫠自名山大川羣神羣祀至於幽魄遊魂陰燐厲鬼皆以吾心設誠而致思焉無敢輕遺而草略者故曰死者復生生者不愧如是吾心少盡矣而吾實無心也理固當如是耳雖然能必千萬人千萬世人必相合乎是愚也古之紀述者多矣彼皆預命世材籍累代業竭終身之力緬石室金匱之藏而猶低眉踏駁貽譏於後況於承學庸見管窺期晷之功而欲脗合今古使無異議何其誕而不揣也抑宋蘇氏有言從衆者非從其衆多之

序

十

口從其不言而同然者夫不言而同然之心天理民彝亘古今而不易者也吾誠不悖則上可通古人心而近可感發人心使考政問俗道古景行者得衷焉庶志不徒作乎意見愛憎姑任之矣然又有一焉史國書也氣衰貶勸懲故嚴而勿恕志邱里之言也所紀先君先公先進先民皆吾雅故稱述而遵奉者也桑梓必恭刻可乎大夫不非嚴可乎故甯寬勿苛甯詳勿略非余一人之私也亦理當爾也理之所在是亦千萬人之心千萬世之心也予何敢曰知我罪我冀高明見亮焉爾若夫山川建置兵食選舉諸門則舊志略備茲不具論云萬曆四十三年孟冬吉日

序

土

青州府志舊序

維茲青社地居少陽古爽鳩氏治之禹貢稱海岱惟青州
嵎夷既略濰淄其道又曰萊沔作牧蓋合登萊濟南而言
地亦遼闊矣至周以營丘封太公爲齊國後寢兼并遂奄
有青土秦滅六國乃置齊郡是時地輿尙未分析至漢始
割青州西境爲濟南東境爲北海齊琅邪千乘東萊五郡
而古青州之域不可復考矣今青州雖爲古青之一隅然
在天爲虛危之分野星曰元枵官曰寶瓶辰曰子在地爲
齊之故墟其名山爲沂爲琅邪爲雲門爲蒙爲胸爲艾其
巨浸爲濰爲沁爲沂爲流爲時爲巨洋其地險阻其民剛

序

主

達其利鐵陶其穀多稻麥其煩劇冠六郡治之亦不易矣
康熙己卯余承乏來茲夙夜匪懈惟不克勝任爲懼每念
郡邑有志猶國有史纂輯文獻非吏治末務也然受事伊
始機務殷繁未敢及此間己丑幸遘中丞藩臬咸名世鉅
公教養培植而觀察白公猥以文治四境蔚然因獲餘暇
檢閱舊志知其昉於前明嘉靖修於萬曆

今上癸丑前守崔公復續爲之迄今己垂四十年及茲不
作十四國無信史矣乃屬筆於待詔安丘張君明經壽光
安君郡邑諸博士亦有事其間遂潰於成是役也事由獨
肩未嘗以煩屬邑壬子以前悉仍舊觀癸丑以後采遺聞

作傳紀正訛補闕糾疑索隱實分局者之功而別立凡例
裁定可否總論顛末余亦與有微勞焉誠以星野志矣後
來之職祥宜續也山川志矣後來之封濟宜續也古蹟志
矣後來之題詠宜續也沿革志矣後來之興廢宜續也戶
口賦敘不可忘其登耗風俗教化不可忘其淳澆志祀典
而幽德以昭志職官而執掌以明城池官署可徵勤惰聖
蹟名賢可徵效法忠義孝友以篤人倫卓行列女以礪末
俗作非徒作續敢苟且哉初志肇於馮海浮先生後志成
於鍾龍淵先生二公皆一時人望其記事也辨而覈其修
辭也詳而莊章創潤色裁正銓改各得其人洵稱良史矣

序

主

余則稽事載典彰往詔來不侈前人無廢後觀使四十年
文獻不至湮沒弗傳於以昭

國家文明之盛版圖之宏麗以貽采風者故不敢不公且
懼也至於末學弁淺咨諏之所不逮網羅之所未盡焉則
以俟後之君子時康熙己丑歲十月晦日青州府知府關
中張連登撰

青州府志舊序

青故齊都統十五城而爲郡統十五城之書而爲志其疑
信相傳沿襲久而訛謬多紛紛靡靡由來非旦夕之故矣
余守其地始而僕僕於簿領既而思所以重訂之而以其
事之重且大也未敢以率易爲之久之懼其書之龐雜而
乃與其地之積學淹博者商之以有是役也然而余猶竊
竊然懼夫不克勝任以滋口而滋惑復慮其心廣求其人
以董其事以冀其或有當也其慎之又慎而不敢率易爲
之者則亦惟是取之廣而擇之精削其蕪而存其質焉耳
矣今夫人之取於淵而采於山者瓦礫與靡靡之材必棄

序

古

而後珠之奇者木之輪囷者出焉不如是則雜而不倫清
而莫辨也况夫郡之志也者關乎一國之風而又烏得不
慎其擇而歸於切要之地哉且夫青界於二東山海之間
自古治亂沿革分野戶口與人物山川之類委曲繁重必
決擇搜討方不失史家傳信闕疑之義故事不患其不周
詳而患其失實詞不患其不暢衍而患其不馴是以余之
於是舉也甯嚴毋濫甯簡毋繁浮誇則汰之支離則節之
直而約公而不私惴惴然復有所懼而惟恐其有未當以
貽口實也夫麟經之成聖人出之以懼况不敏如余而敢
輕心躁心以爲書也乎志成請於中丞暨各執政成以爲

可遂編次爲集而復言其所以修志之意以俟後之君子
之采擇焉時康熙六十年歲次辛丑菊月既望青州府知
府長白陶錦撰

序

五

重修青州府志序

夫郡縣之志猶之史也修史難修志亦難誌沿革徵文獻
存風俗皆有賴乎是以體例必嚴論斷必確採錄必廣
去取必當又必數十年而一修使毋廢墜散轍之慮庶幾
爲一郡一邑徵信之書非良史才詎易勝厥任哉青州爲
海表名郡延袤千數百里舊轄十五城自雍正間改隸沂
州府今統十一邑其間疆域之沿革風土之廢興遺文軼
事之宜增宜減選舉宦蹟之爲合爲分今昔異宜先後異
尚尤有不可不亟爲修明者矣茲舊志肇自明嘉靖間湯
公浮海而鍾公龍暉繼之今二志不可復見我

序

六

朝康熙間張陶二公先後守青嘗一載修之閱今一百三
十餘年無復有從事於斯者道光壬寅歲樂山李公樂亭
旣蒞任卽毅然以修志自任會安邱劉莊年先生致仕家
居博雅淹貫素究心於鄉之掌故因以屬厥事先生悉心
採擇別創義例於山川建置則博攷羣書不厭其詳於輿
圖星野則繁徵今古必求其是有沿襲傳譌者釐而正之
有浮誕支離者節而刪之至於嘉言懿行遺文軼事足以
風世厲俗者雖微必錄里閭巷議苦節畸行足以發微闡
幽者雖疑必存規模既定筆削尤精未幾李公解組去而
書未卒業咸豐六年杓來守斯郡間嘗攷其山川古迹人

物風俗以聞見之所及證以舊籍之所存僅什一之於千
百因思百餘年來人往風微不免廢書而歎及觀先生書
欣然若有會於中乃甫脫藁而先生遽歸道山柏因不揣
謏陋自爲續貂益都宰崑山徐君子信助余攷訂並力任
督校之事又閱一稔得書若干卷而一百三十餘年之事
蹟瞭然若指諸掌劄劄氏告歲事余因讀而歎曰營邱渤
海間非卽太公威公之舊乎今卽尊賢尚功之典雄長四
塞之圖杳不復存而觀山川之雄偉都邑之星羅魚鹽屨
舄之饒較擊肩摩之盛猶可仿佛焉至於士尚氣節家重
詩書其俗厚重而少文其人樸魯而任俠自漢唐以迄於

序

七

今節義之士若踵相接卽鄉曲婦豎一言一行可歌可泣
者亦指不勝屈豈非管仲晏子之餘習魯運顏蠲之高風
猶有存焉者乎然而衣冠文物比于上郡風俗醇古誇于
列郡斟酌閭邱之側絃誦相聞穆陵無棣之間桑麻匝野
問猶有喜誇詐急功利與夫門雞走狗之風盧令輕儇之
習乎不獨冠裳之士聞而恥之卽閭閻負販亦言而非之
矣此則我朝二百年來醲澤覃敷涵濡漬漸其陶冶而成
之者深也所謂一變至魯一變至道者竟驗之於今日耶
矧自唐宋以來官斯郡者前後十三賢文章政事卓卓在
人耳目間故後之守土者類皆爭自砥礪冀有以接武前

軌凡俾於地方之利弊民生之休戚無不講求切究而郡
之賢士大夫又能相與敦勉以易俗移風爲事以是耕桑
樹畜詩書禮讓熙熙來攘往鼓腹含哺而戶口日增文學日
茂科第日盛行誼日高故論者以爲民物之富庶爲他郡
最而民風之醇厚亦爲他郡最也柏叨典斯郡得追隨諸
賢之後而又際

聖朝雅化淪浹獲覩其生齒林壬文物聲名之盛且得於
政事之暇竊附纂修之末以傳示來者豈非厚幸也歟是
爲序青州府知府毛永柏撰

序

太

青州府志

鑒定

兵部侍郎巡撫山東等處都察院右副都御史覺羅崇恩

陝西糧儲道前青州府知府方用儀

河南巡撫前青州府知府英桂

侯選道前青州府知府李廷揚

道銜 青州府知府 毛永柏

纂修

直隸房山縣知縣前博興縣教諭按縣李 國

六品頂戴前四川按察使郡人劉耀椿

青州府志

一

協修

運同銜益都縣知縣 徐順昌

校閱

青州府教授 郭貞復

青州府志目錄

卷一

輿圖

卷二

沿革表

卷三

道里表

卷四

封建表

卷五

職官表

青州府志目錄

一

職官表

卷六

職官表

卷七

職官表

卷八

職官表

卷九

職官表

卷十

職官表

卷十一上

職官表

卷十一中

職官表

卷十一下

職官表

卷十二

武職官表

卷十三

青州府志目錄

滿洲駐防職官表

卷十四

王侯官屬表

卷十五

選舉表

卷十六上

選舉表

卷十六下

選舉表

卷十七上

選舉表

卷十七下

選舉表

卷十八上

選舉表

卷十八下

選舉表

卷十九

選舉表

卷二十

青州府志目錄

藥蔭表

卷二十一

山川考

卷二十二上

山川考

卷二十二下

山川考

卷二十三

形勝考

卷二十四上

古蹟考

卷二十四下

古蹟考

卷二十五

營建考

卷二十六

營建考

卷二十七

營建考

卷二十八

青州府志目錄

四

學校考

卷二十九

兵防考

卷三十

郵政考

卷三十一

賦役考

卷三十二

風土考

卷三十三

藝文考

卷三十四

名宦傳

卷三十五

名宦傳

卷三十六

名宦傳

卷三十七

名宦傳

卷三十八

青州府志目錄

五

人物傳

卷三十九

人物傳

卷四十

人物傳

卷四十一

人物傳

卷四十二

人物傳

卷四十三

人物傳

卷四十四

人物傳

卷四十五

人物傳

卷四十六

人物傳

卷四十七

人物傳

卷四十八

人物傳

卷四十九

人物傳

卷五十

人物傳

卷五十一

術藝傳

卷五十二

仙釋傳

卷五十三

青州府志目錄

六

雜傳

卷五十四

雜傳

卷五十五

雜傳

卷五十六

列女傳

卷五十七

列女傳

卷五十八

列女傳

卷五十九

列女傳

卷六十

列女傳

卷六十一

列女傳

卷六十二上

列女傳

卷六十二下

青州府志目錄

七

列女傳

卷六十三

祥異記

卷六十四

雜記

青州府志目錄



分星圖

青州府志卷一

Abstract

